



COMUNE DE ROMANA

DELIBERATZIONE DE SA GIUNTA COMUNALE N. 69 DE SU 08/10/2020

OGETU: GESTIONE SERVÌTZIU PRELIEVOS A DOMITZÌLIU. INDITOS A SU RESPONSÀBILE DE SU SERVÌTZIU SÒTZIU-CULTURALE

S'annu duamìgia e binti sa die oto de su mese de Santugaine a sas oras 10:00, in sa SALA GIUNTA, fatu chi siat esaurimentu de sas formalidades prescritas dae sa lege de s'Istadu e de s'Istatutu, s'est reunida sa Giunta Comunale suta sa presidèntzia de su Sìndigu DOT.RA CATTE LUCIA.

A s'apellu nominale resurtat

<u>CÀRRIGA</u>	<u>SAMBENADU E NÙMENE</u>	<u>PRESENTE</u>
SÌNDIGU	DOT. ra CATTE LUCIA	EMMO
ASSESSORE	PISANU DARIO	EMMO
ASSESSORE	PIREDDA FABIO	EMMO
ASSESSORE	SANNA MONICA

Presentes n. 3 Ausentes n. 1

Partètzipat su Segretàriu Generale Dr. CARTA GIANCARLO, chi providit a sa redatzione de su verbale presente.

Essende legale su nùmeru de sos interbènnidos, su SÌNDIGU DOT.RA CATTE LUCIA, in sa calidade sua de Presidente, leat sa presidèntzia e de crarat aberta sa setziada pro sa tratatzione de s'ogetu marcadu subra.

SA GIUNTA COMUNALE

Premìtidu chi:

- sa crèschida progressiva de s'edade mèdia de sa populatzione in sos ùrtimos annos at batidu in su Comune de Romana a unu creschimòniu de s'inditze de betzesa, cun sa presèntzia pro su restu de casos diversos de pessones cun patologias crònicas chi ant bisòngiu de unu compudu sanitàriu frequente;
- sa positzione geogràfica non favorèvole de su territòriu de su Comune de Romana, in cantu resurtat a tesu respetu a sos presìdios sanitàrios;
- su tessutu familiare s'est modificadu meda cumportende una disponibilidade semper minore dae parte de sos familiares chi in casos meda vivent a tesu e pro cussu resurtant in dificultade pro atenzionare su babbu e sa mama aende comente cunsighèntzia sa fragileza de sa rete sotziale de sustennu a sos antzianos che a s'ispissu s'agatant in cundizione de solidade;
- est intenzione de s'Amministrazione Comunale illargare s'oferta de sos servìtzios destinados a sa populatzione residente, rispondende in modu particolare a sos bisòngios sòtziu-sanitàrios de chie s'agatat in cunditiones de fragileza e discumbèniu;
- sas sollitizatziões de sos tzitadinos finalizadas a otènnere su megioru de sos servìtzios sòtziu-sanitàrios;

Cunsideradu chi su servìtziu prelievos a domitzìliu a s'indonu at comente finalidade printzipale su megioru de sos servìtzios sòtziu-sanitàrios in su territòriu de su comune de Romana, favoressende s'atzessibilidade dae parte de sos tzitadinos chi appartenint a sas fàscias dèbiles de sa populatzione, in modu particolare a sas pessones antzianas. no autònomas in sos ispostamentos e cun dificultades motòrias;

Dadu atu chi su servìtziu at a pòdere èssere destinadu a totu sas fàscias de populatzione, in modu particolare:

- pessones cun prus de sessantachimb'annos;
- invàlidos a su 100% e giughidores de handicap;
- patzientes in tratamentu anticoagulante (TAO);
- fèminas ràidas o cun mineta de istrumadura;
- pessones impossibilitadas a sos ispostamentos, in casu de urgèntzia bera e documentada;

Dadu atu chi su costu annuale istimadu de su servìtziu, de affidare a un'operadore econòmicu, tentu contu de sos datos istòricos, no at a èssere superiore a € 3.000,00, e chi s'at a pòdere fàghere fronte cun istantziamentos de bilàntziu e una cuota de contribuzione de sos utentes;

Achisidos sos parres favorèvoles preventivos de reguaridade tècnica e contàbile, in cunforma a s'art. 49, comma 1 de su T.U.E.EL.;

Bidas:

- sa L. 328/2000 "Lege cuadru pro sa realizatzione de su sistema integradu de interventos e servìtzios sotziales;
- sa L.R. n. 23/2005 subra de su Sistema integradu de servìtzios a sa pessone;

Cun votos de aocrdu esprìmidos a manera legale;

DELÌBERAT

- 1) De cunfirmare su servìtziu prelievos de sàmbene a s'indonu pro sos tzitadinos residentes e chi appartenint a categorias isvantagiadas pro sa durada de un'annu dae su momentu de s'ativatzione;
- 2) De individuare cales beneficiàrios de su servìtziu de su cale si tratat totu sas fàscias de populatzione, in modu particulare:
 - pessones cun prus de sessantachimb'annos;
 - Invàlidos a su 100% e giughidores de handicap;
 - patzientes in tratamentu anticoagulante (TAO);
 - fèminas ràidas o cun mineta de istrumadura;
 - pessones impossibilitadas a sos ispostamentos, in casu de urgèntzia bera e documentada;

De stabilire chi s'ativatzione de su servìtziu prelievos a domitzìliu previdit sa contribuzione de ogni utente in sa misura de € 10,00 a testa;

de incarrigare su Responsàbile de s'Àrea Sòtziu-Culturale de s'adotzione de sos atos chi pertocant s'organizatzione de s'atividade subra narada.

PARRE DE REGULARIDADE TÈCNICA

In cunforma a s'art. 49 c. 1 de su T.U.E.L. su Dirigente/P.O. **CONTINI ANTONELLA** in data **08/10/2020** at esprìmidu parre **FAVORÈVOLE**

PARRE DE REGULARIDADE CONTÀBILE

In cunforma a s'art. 49 c. 1 de su T.U.E.L. su Dirigente/P.O. **CALARESU CARMELA** in data **08/10/2020** at esprìmidu parre **FAVORÈVOLE**

Su Presidente

SU SEGRETÀRIU COMUNALE

Sìndigu Dot.ra CATTE LUCIA

DOT. CARTA GIANCARLO

NOTA DE PUBLICATZIONE N. 563

In cunforma a s'art. 124 de su T.U. 267/2000 su responsàbile de sa Publicatzione **DOT. CARTA GIANCARLO** atestat chi in data 15/10/2020 s'est protzèdidu a sa publicatzione in s'Albu Pretòriu.

Sa Delibera est esecutiva in cunforma a sas dispositziones de lege in vigèntzia.

